

"Экономиканы одан әрі тұрақтандыру жөніндегі шаралар туралы" Қазақстан Республикасының Президенті Жарлығының жобасы туралы

Қазақстан Республикасы Үкіметінің 2020 жылғы 16 наурыздағы № 112 қаулысы

Қазақстан Республикасының Үкіметі **ҚАУЛЫ ЕТЕДІ:**

"Экономиканы одан әрі тұрақтандыру жөніндегі шаралар туралы" Қазақстан Республикасының Президенті Жарлығының жобасы Қазақстан Республикасы Президентінің қарауына енгізілсін.

Қазақстан Республикасының
Премьер-Министрі

А. Мамин

Экономиканы одан әрі тұрақтандыру жөніндегі шаралар туралы

Қазақстан Республикасының Конституциясы 44-бабының 16) тармақшасына, "Қазақстан Республикасының Президенті туралы" 1995 жылғы 26 желтоқсандағы Қазақстан Республикасының Конституциялық заңына сәйкес **ҚАУЛЫ ЕТЕМІН:**

1. Қазақстан Республикасының Үкіметі:

1) ағымдағы қаржы жылы салық төлеушілердің жекелеген санаттары үшін салық мөлшерлемелерін, салық базасын, салық салу объектілерін, салықтық кезеңді айқындау және салықтық міндеттемелерді орындау тәртібін айқындауға;

2) шекті тарифтер мен азық-түлік тауарларына және халықтың үзіліссіз тыныс-тіршілігі мен экономика үшін қажетті басқа тауарларға баға белгілеуге;

3) мемлекеттік бюджетті қалыптастырудың, нақтылаудың және атқарудың ерекше тәртібін айқындауға құқылы деп белгіленсін.

2. Дағдарысты жағдайлар кезеңіне бір кезден мемлекеттік сатып алудың арнайы тәртібі белгіленсін.

3. Қазақстан Республикасының Үкіметі:

1) орталық мемлекеттік және жергілікті атқарушы органдардың бір көзден алу тәсілімен мемлекеттік сатып алу жөніндегі өтінімдерін қарауды;

2) тауарларды, жұмыстарды, көрсетілетін қызметтерді бір көзден алу тәсілімен мемлекеттік сатып алу шеңберінде сатып алатын тұлғаларды айқындау туралы шешім қабылдауды;

3) бір көзден алу тәсілімен мемлекеттік сатып алудың арнайы тәртібін айқындауды қамтамасыз етсін.

4. Осы Жарлық қол қойылған күнінен бастап қолданысқа енгізіледі.

Қазақстан Республикасының
Президенті

Қ. Тоқаев

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК